

# **ENGEZESA N'ENGOLOLA Y'EBITONTOME**

**BYA**

**NTAMBI FRANCIS NE DDAMBA ACHILLES  
ST. LAWRENCE UNIVERSITY**

# **EBIGENDERERWA**

- **Okwagazisa omusomesa okusomesa ebitontome.**
- **Okugondeza omusomesa mu nsomesa y'ebitontome.**
- **Okumanyisa omusomesa ebisaanidde okussibwako essira nga tugolola ebitontome.**
- **Okulaga omusomesa engeri ennyangu ey'okuwaamu emirimu gy'ebitontome n'okubigolola.**
- **Okulaga omusomesa ebintu ebikola omusingi mu kusomesa ebitontome.**

# **OKUTANDIKA OKUTONTOMA**

- **Tuyinza okutandikira ku bitontome eby'edda eby'omusingi omuyizi gwe yafuna mu pulayimale nga bino:-**
- **Omwana w'essomero**
- **DOLA DOOSA**
- **Kayondo**
- **Nagenda e Buddu**
- **Kanneemu**
- **Omulimi**
- **Obuyimba obwangungu bwe baayimbako edda mu Pulayimale.**
- **Ennyimba eziriwo kati ze bamanyi.**

## **EBIZUULIDDWA**

- Abasomesa abasinga ab'olulimi Olungereza n'Oluganda tebeegazaanya bulungi nga basomesa ebitontome kuba tebabyagala, kino kibaleetera okubisomesa obubi (Diane Lockward, 1994).
- Ate abaalibyagadde tebamanyi ngeri yaakubyagazisaamu bayizi baabwe.
- Bakakensa b'ebitontome bakikasizza nti singa ensomesa yaabyo tugikwataganya n'ebiriwo/ebyetoolodde abayizi baffe olwo abayizi bayinza okusikirizibwa okubyettanira.

# ENKOLA EZIYINZA OKUYAMBAKO OKUSOMESA OBULUNGI EBITONTOME

- Okukwataganya / okufaanaganya okutontoma n'okuyimba (Jewel 2004) ye bw'agamba. Bingi ebyogerwako mu bitontome bye biba ne mu nnyimba.
- Obuyimba obw'abato
- Ez'eddiini
- Eziriwo
- (ii) Okukwataganya ebitontome n'obulamu obwa bulijjo.
- Naddala mu ngeri y'okusiiga ebifaananyi/ nga tweyambisa olulimi. Ebyokulabirako. (Biggyiddwa mu butabo obuliwo obw'ebitontome)
- Amasomero - Omwana w'essomero
- Omukwano - Omukwano
- Obwavu - Obuwejjere / ssente
- Empisa z'abantu - Abasamaliya abakyafu
- Okufa - Kati okufa mugano
- Ekibuga - Buyonjo zikalina
- Olumbe - Asika asike
- Ekibuga - Obulamu bw'ekibuga

- **(iii) Okweyambisa obubinja/okussa abayizi mu bibinja (Boart 2002 ne Mowe 2002) bwe bagamba.**
- Abayizi bayinza okuweebwa emirimu mu bubinja obw'abantu abatonotono nga olulimi, enzimba, emiramwa etc.
- Emirimu emitonotono nga gimaze okubaweebwa olwo ne mugikuba ganyaako ebirowoozo nga ekibiina.
- 
- **(iv) Nabo bawandiikeyo ebitontome ebyabwe**
- Ku mitwe naddala egisikiriza.
- Batandike n'ebitontome ebimpi ddala.
- Bafune emitwe egisikiriza.
- Bawandiike sitanza ennyimpimpi.
- Kino kibasikiriza okwagala n'okwegomba okutontoma.
- Enkozesa y'olulimi essibweko nnyo omulaka okusinga ebirala.
- Amakulu n'obubaka bw'ekitontome nabwo butunuulirwe.
- Kino kibayamba nnyo okutegeera ebitontome.
- Oluvannyuma bayinza okuwandiika ebitontome ebiwanvu.

# **EBITUNUULIRWA MU KUGOLOLA EBITONTOME**

- **Olulimi olukozeseddwa mu Kitontome.**
  - Lulaga ebirowoozo by'omutontomi
  - Luwaana. Olukweka amakulu,
  - Lulaga by'ayiseemu.
  - Olwekokkola
  - Olusaaga
  - Olugagga mu bigambo.
  - Olw'ebifaananyi
  - Olwebuuza
- **EKYOKULABIRAKO**
- Omulanga gwa lawino – pg I Bw'omala ebyo n'onsekerera nti ndi mu buyabuya, kubanga simanyi kusoma, wadde okuwandiika ennyukuta eya "A", mbu ndi kintuntu, kubanga sibatizibwanga, leero ovumye nze n'okunakkuna, olaba otuuka n'okunfaananya akabwa akabbi.
- Olulimi olwo lulaga bingi nga embeera, ebifaananyi, okunyolwa, okwetamwa n'ebirala.

# **EBITUNUULIRWA MU KUGOLOLA EBITONTOME**

- **Entunnunsi mu bitontome(Za bika ebiwerako) nga zino;**
  - Kyetwala Omutontomi aba wa ddembe okutambula nga bw'ayagala – Nga mu Omulaga gwa Lawino ne mu Abooluganda Ab'enda omu.
  - Kasavukanyama (Ezikyukakyuka)
  - Ez'omujjirano (Ezitakyuka) e.g ku Luzzi ebitontome eby'amakulu (pg 31) Entunnunsi eva ku bino;
  - Okuddingana ebigambo
  - Amaloboozi agafaanagana
  - Enkozesa y'obubonero
  - Eva ku nnonda y'ebigambo.



# **EBITUNUULIRWA MU KUGOLOLA EBITONTOME**

- **Enzimba y'amaloboozi /O**
  - Ebitontome eb'amakulu - Obwavu pg 25 (Nga .....)
  - "       "       Ensimbi pg 16 (E .....)
  - Ebigambo ebifaanagana mu Ebitontome eby'amakulu.

# **EBITUNUULIRWA MU KUGOLOLA EBITONTOME**

- **Omulamwa / Emiramwa mu kitontome.  
(Themes)**
  - Ekitontome kiba n'omulamwa omukulu ate n'emiramwa emirala. E.g. Omulanga: Ebigambo ebiri mu kitabo ekitukuvu: Omulamwa omukulu guli ku Ddiini engwira, naye mulimu n'emirwamwa emirala gino; obuwangwa, okukola emirimu, okukopperera.

# **EBITUNUULIRWA MU KUGOLOLA EBITONTOME**

- **Ani atontoma? (Persona)**
  - Ayinza okuba omu oba abangi – y'aba ayogera ebiri mu kitontome.
  - Ayinza okuba omuntu oba ekintu ekitali muntu.

# **EBITUNUULIRWA MU KUGOLOLA EBITONTOME**

- **Embeera / Endowooza y'omutontomi ku ky'atontomako)Okuva mu;\_Omulanga gwa Lawino.**
  - Abasomesa bannaddiini bano, Bonna bafaanagana, Buli lwe balaba omuwala, Amaaso gaggukira ku mabeere N'abapaatiri abataawasa, Bonna ebbanja ly'obutonde libakulungutanya, Ne bannaffe abaagejja embuto, Nezibalemesa okulaba amakundi gaabwe, Nabo bawulira bulungi nga bakutte ku bbeere ly'omuwala. Bafaaza abawuliriza abejjusa, nabo bayisa amaaso mu kituli, ne batunula ku bbeere. (pg 109) Biggyayo embeera zino;okwewuunya, okwetamwa, okutya, okwebuuza, okulabula)

# **EBITUNUULIRWA MU KUGOLOLA EBITONTOME**

- **Okusiiga ebifaananyi (Imagery)**
  - “Nga”eyinza okukozesebwa; Yenna munyiivu ng’asanyuse ng’afaananako obunyonyi bu “okwik” , yenna ng’avuga ng’engoma etali ndeeye.
  - Ebisoko – omusajja yali kyuma ng’agumira buli mbeera.
  - Gano agannyannya, ge batuma abaana baffe. Mwe baagala okuyitira, okukuula ekiryo kyensujju, Bajjajja ffe kye baaleka basimbye. (pg 117 – Omulanga gwa Lawino)

# **EBITUNUULIRWA MU KUGOLOLA EBITONTOME**

- **Enkoza y'obubonero**
  - Buggyayo amakulu,
  - Buggyayo entunnunsi

# **EBITUNUULIRWA MU KUGOLOLA EBITONTOME...**

- **Ekuwaawaanya**
  - Kwe kuddingana ennyiriri ezimu mu kitontome.
  - Kunyumisa entunnunsi y'ekitontome.
  - Okukuumira omusomi ku mulamwa.
  - Okujjukiza omusomi omulamwa.

# **EBITUNUULIRWA MU KUGOLOLA EBITONTOME**

- **Ensengeka y'ekitontome.**
  - Engeri ebirowoozo by'omutontomi gye biddiringanamu
  - Ensonga enkulu eziri mu kitontome ziddiringana zitya?
  - Asoosa mutwe,azzaako ki?Biki ebiddirira? – weesigame ku sitanza.
  - Buli sitanza ebaamu obubaka e.g EBBANGA – KAWERE pg 20.kisengekeddwa kiti



# **EBITUNUULIRWA MU KUGOLOLA EBITONTOME...**

- **Olukusa lw'abatontomi**
  - Lino lye ddembe/ebbeetu omuwandiisi ly'akozesa ng'awandiika ekitontome.
  - Ayinza okusala ku bigambo
  - Obutagoberera mpandiika ntongole
  - Okutabika ennimi
  - Obutenkanya nnyiriri
  - Okutonda amaloboozi
  - Okukyusa entunnunsi
  - Okugandawaza ebigambo.
  - Obutenkanya sitanza

# **OKUGEZESA ABAYIZI**

- **Bateekebwe mu bibinja ebitonotono.**
- **Balondeyo ebitontome 3 – 3**
- **Banoonyeeyo obukodyo busatu – busatu ku bulagiddwa waggulu.**
- **Bakubaganye ebirowoozo ku bukodyo obwo ne bannaabwe.**
- **Balondobeyo obukodyo obusinze okweyolokera mu bitontome bye balonze.**

# **ENKOLA EY'OKUZUULA**

- Abayizi balondobeyo ebitontome ebisinze okubanyumira MU BITABO bye basomye.
- Abayizi beebuuzze ku bino?
- Omutontomi yandisoosezza ki?
- Yandisembezzaayo ki?
- Bayiyeeyo ebitontome ebifaananako n'ebyo bye basomye.
- Omutontomi singa obadde musajja / oba mukazi wandimuzzeemu ki (muka kitange)
- Bayinza okukoppa empandiika y'omuwandiisi oyo.

# **OBUKUGU / OBUKODYO N'OBUYIYA BW'OMUTONTOMI**

- Bifaanagana/bifaanaganya amakulu,
- Omuyizi atunuulira ekikoleddwa n'omugaso gwakyo; ebyokulabirako.
- Okuwuntuwaza (Ebimuli.... mu bitontome eby'amakulu) – Agenderera kunyumisa (pg 10)
- Okuddingana ebigambo (ofanga towejje – mpaawo kitakya) Agenderera kuzimba ntunnunsi / ssente – Jangu tutontome kukuumira omusomi ku mulamwa.
- Okusiiga ebifaananyi – Agenderera kuggyayo bubaka, kunyumisa (Olulimi lwa baze – Omulanga gwa lawino lulinga omulandira gw'ekimuli kya Lyonno, lulinga effumu, lulinga ebikolimo by'omukazi omugumba).
- Okuzimba amaloboozi – Agenderera kunyumisa kuzimba ntunnunsi. WEGENDEREREZE; Buli lwe tuwa ensonga eraga obukugu tuwa nomugaso gw'obukugu obwogeddwako.

# **MU KATABO.**

## **BALYA N'ENSEEKEEZI**

**(obukuusa/obuseekeezi)**

- Abalya n'enseekeezi be baluwa?
- Entuuyo zange
- Muka kitange
- Abasamaliya abacafu
- Tewali munno
- Ensi sigitegeera. (Biraga obuseekeezi)

# **OKUKWATAGANYA EBIFA KU MUWANDIISI N'AKATABO KE**

- **Obuyivu bwe**
- **Eddiini ye**
- **Emirimu gy'akoze**
- **Obuzaale bwe**
- **Gy'ayitidde n'ebirala**

# ENGEREKA Y'OBUBONERO

- Ebibuuzo by'ebitontome bya bubonero 25 ku ddaala lya 'A' ate ku 'O' obubonero 20.
- Ebimu biba n'obutundutundu. Obungi bw'obubonero businziira ku buzito bwa kibuuzo.
- Omuwendo gw'obubonero guba gubaguliza omuyizi ku bungi bw'ensonga ezeetaagibwa ku kibuuzo.
- Emirundi egisinga obungi bw'ensonga naddala ku 'A' level > buli nsonga eba ya kabonero kamu.
- Okufuna obubonero mu bujuvu omuyizi yeetaaga okuwa ensonga ate n'okuzinyonnyolako, ng'ajuliza mu kitontome oba mu katabo.
- Ensonga ku bibuuzo eby'awamu zaalibadde tezikka wansi wa 16

***“Awangaale ayi Ssaabasajja  
Kabaka waffe”***



# **OKUWUMBABUMBA**

- Engeza eyaalisinze yaalibadde ng'etandikira ku kuwa omuyizi omukisa gw'okwewandiikirayo ebitontome ku mitwe emyangungu.
- Abayizi bangi batabula enzimba n'ensengeka, tebabyawula. Noolwekyo kyetaaga okunnyikiza ensonga eno.
- 
- Abayizi bafunirwe obutabo bw'ebitontome obumala, era bakubirizibwe okubusoma.
- Abayizi bakubirizibwe okuwa ensonga eziwera ku buli kibuzo kya bitontome.
- Abayizi bayambibwe okubalaga kye balina okukola nga baddamu ebibuzo by'ebitontome.  
Abayizi baweebwe emirimu egiwerera ddala ku bitontome.  
Ebitontome bitandikibwe ng'obudde bukyali.